

**UDALAREN LAGUNTZAK ARAUTZEKO ORDENANTZA****1. artikulua. — Xedea eta helburuak**

Ordenantza honen xedea, izurtzako biztanleen artean kirola praktikatzeko grina pizteko, eta bizimodua euskaraz gauzatzeko, udalaren laguntzak definitzea eta arautzea da.

2. artikulua. — Onuradunak

Laguntza hauen onuradunak izurtzako udalerrian bizi diren pertsonak izan daitezke, laguntza horiek emateko zehaztutako betekizunak betetzen badituzte.

3. artikulua. — Laguntza motak eta zenbatekoa

1. ordenantza honek arautzen dituen udalaren diru-laguntzak honako hauek izango dira:

- 1) 2017 urtean, durangaldeko ukeen kirol-eskaintzako abonua lortzeko laguntzak: diruz lagunduko den zenbatekoa erroldatuen abonutartifen eta erroldatu gabeen abonutartifen arteko aldea izango da, 2017 urtean urterako durangaldeko edozein ukek zehaztutakoa eta, betiere, jarduera hori izurtzako udalerrian egiterik ez badago.
- 2) 2016-2017 ekitaldian euskara-ikastaroen matrikulak ordaintzeko laguntzak: diruz lagunduko den zenbatekoa 2016-2017 ikasturteko euskara-ikastaroen matrikularen prezioaren %50 izango da.
- 3) 2017 urtean, durangaldeko ukeen kirol-eskaintzako hasiera-ikastaroak ordaintzeko laguntzak: diruz lagunduko den zenbatekoa erroldatuen abonutartifen eta erroldatu gabeen abonutartifen arteko aldea izango da, 2017 urterako durangaldeko edozein ukek zehaztutakoa.

4. artikulua. — Eskatzaileen betekizunak

1. Laguntzak eskatzen dituztenek honako betekizun hauek bete behar dituzte:
 - Izurtzako udalerrian erroldatuta egotea, eskaera egin baino, gutxienez, sei hilabete lehenago.
 - 1. eta 3. motako laguntzak jaso nahi dituztenen kasuan, durangaldeko ukeetako edozeinetan eduki behar dute matrikula egina.
 - 2. motako laguntza eskatzen dutenen kasuan, euskadiko autonomi erkidegoko edozein hizkuntza-eskola ofizial edo euskaltegitan eduki behar dute matrikula egina.

5. artikulua. — Ziurtagiriak

- a) Eskatzailearen identitatea ziurtatzen duen agiriaren fotokopia.
- b) Egiten ari den edo egin nahi duen ikastaroaren matrikularen edo abonuaeren fotokopia.
- c) Kontu-korrontearen fotokopia.

6. artikulua. — Eskaerak aurkezteko modua, tokia eta epea

6.1. Eskaera eta 5. artikuluan zehazten den dokumentazio osagarria, izurtzako udaletxean aurkeztu behar da.

6.2. Eskaerak aurkezteko epea 2016-2017 ikasturtean eta 2017 urtean osoan egongo da zabalik.

7. artikulua. — Espedienteen instrukzioa.

7.1. Eskaera jasotakoan, kasu bada, interesatuari 10 eguneko epean akatsak zuzentzeko edo falta den dokumentazioa emateko eskatuko zaio, eta hala egiten ez badu, eskaera bertan behera utziko dela jakinaraziko zaio, administrazio publikoaren administrazio prozedura erkideari buruzko urriaren 1eko 39/2015 legearen 68. artikuluan xedatzen denari jarraiki.



7.2. Espedientea osatutakoan, dagokion txostena egingo da eta, bertan, onuradunak eskatutako laguntza jasotzeko betekizunak betetzen dituela egiaztatuko da.

7.3. Espedientea bideratuta, ekarritako dokumentazioa eta emandako txostenak aztertuta, alkate-udalburuari helaraziko zaio udal-organo horrek kontuan har dezan.

8. artikulua. — Ebazpena

8.1. Ebazpena alkate-udalburuak emango du, gehienez hiru hilabeteko epean. epe hori igarota ebazpenik eta jakinarazpenik eman ez bada, eskatzaileak ezetsizat jo beharko du bere eskaera administrazioaren isiltasuna dela bide.

8.2. Dena dela, laguntza udalak prestazio horietarako erabilgarri dituen kredituen arabera emango da. horretarako, diru-laguntza jasotzeko ez da nahikoa izango eskatzaileak goian aipatutako betekizun eta baldintza guztiak betetzea; horrez gain, beharrezkoa izango da, eskaera horri une horretan dauden aurrekontu-zuzkiduren bidez erantzun ahal izatea.

9. artikulua. — Laguntza emateko modua.

2. eta 3. proiektuetarako, laguntzaren ordainketa egiteko, onuradunak jarduera edo proiektua egin dituela justifikatu behar du, eta, asistentziak, gutxienez, %80koa izan behar du.

10. artikulua. — Interesatuei jakinaraztea

10.1. Hartutako erabakia interesatuei jakinaraziko zaie espedientean agertzen den oharpenetarako helbidean.

10.2. Laguntzaren onuradunei egingo zaie jakinarazpenean beren beregi azalduko zaie zein diren laguntzaren kobratzeko bete behar dituzten baldintzak. era berean, laguntza emango zaielako erabakiaren jakinarazpena jaso eta 30 eguneko epearen barruan aipatutako baldintzak betetzen ez badituzte, udalak laguntza ukatuko diela ere jakinaraziko zaie beren beregi.

10.3. Emandako ebazpenaren aurka dagozkien errekursoak jarri ahal izango dira, legeari jarraiki.

11. artikulua. — Onuradunen eta hartzaileen betekizunak

Laguntzak eskatzen dituztenek honako betebeharrak hauek dituzte:

11.1. Eskaera eragin zuten inguruabarrak aldaraz ditzaketen euren egoerari buruzko aldaketa guztien berri ematea izurtzako udalari.

11.2. jasotako zenbatekoa laguntzaren xederako erabiltzea.

11.3. laguntzaren xedeetarako erabiltzen ez bada, zenbatekoak itzultzea.

11.4. 2. motako laguntzen kasuan: gutxienez %80ko asistentzia izatea eta ikastaroa aprobetxatu izana.

11.5. 3. motako laguntzen kasuan: kiroldegia ziertagiria aurkeztu beharko da eskolen %80ra joan direla eta ikastaroa aprobetxatu dutela egiaztatzeko.

12. artikulua. — Ukatzeko arrazoiak

Eskaerari aurre egiteko besteko krediturik ez egotea.

13. artikulua. — Laguntzak baliogabetzea

13.1. Dirua laguntzaren xede ez den beste helburu baterako erabiltzen bada, laguntza baliogabetzeko arrazoi nahikoa izango da eta berehala itzuli beharko da, organo eskumendunak hartarako eskaera egindakoan. eskaera horri erantzuten ez bazaio, dagokion betearazpen bidea eragingo du, unean uneko jarduera zibilen, penalen edo bestelako jardueren kalterik gabe.

13.2. Eskatzaileek adierazitako datuak gezurra badira, edo datuak ezkututzen badira, eskatutako laguntza ukatuko da, nahiz eta eskatzaileak laguntzarako betekizunak bete.



13.3. Laguntza ordaintzeko prest dagoenetik hiru hilabeteko epea igaro eta, interesatuaren erruz diru-sarrera egiterik egon ez bada, laguntza baliogabetu ahal izango da.

13.4. 11.4 eta 11.5 puntuetan eskatzen diren ziurtagiriak ez aurkeztea.

14. artikulua. — *Bateraezintasunak*

Ordenantza honetan jasotzen diren laguntzak beste administrazio batzuek emandakoekin bateraezinak dira, eta, kasu guztietan haien osagarri izango dira.

Izurtzako udalak emandako diru-laguntzak ezin izango du, bakarka nahiz beste administrazio edo erakunde publiko nahiz pribatuetako diru-laguntzekin batera, ordaindu beharreko zenbateko osoa gainditu. diru-sarreraren eta gastuen justifikazioan gastuak baino diru-sarrera handiagoak daudela ondorioztatzen bada, izurtzako udalaren diru-laguntza soberakina besteko diru-kopurua izango da.

15. artikulua. — *Aurrekontu-esleipena*

ordenantza honi atxikita eman daitezkeen 2. motako diru-laguntzak 330.480.01 programaren aurrekontu-esleipenaren pentzuan egingo dira, eta 1. eta 3. motakoak 340.481.00 pentzuan.